



- * Ҳарбийлар аёли қандай яшайди?
- * 32 ёшда ўчган юлдузлар. Наримон Латипов
- * Ўн саккизга тўлмаганлар ҳуқуқи
- * Исо пайғамбарнинг қайтиши ҳақиқатми?



Элим деб, юртим деб,  ёниб яшаш керак

Туркистон

1925 йилдан чиқа бошлаган

ЎЗБЕКИСТОН ЁШЛАРИ «КАМОЛОТ» ЖАМҒАРМАСИ ГАЗЕТАСИ

1999 йил 13 январь Чоршанба, № 3 (144194)

Ўзбекистон Республикасининг Қоҳирадаги элчихонаси Қоҳира университети иқтисод ва сиёсатшунослик факультетининг Осиё тадқиқотлари марказига мамлакатимиз тўғрисида китоблар мажмуасини тортиқ этди.

Мажмуа ўзида Ўзбекистон ижтимоий-иқтисодий, сиёсий, илмий ва маданий ҳаётининг турли кўринишларини ва тарихини ўрганишга имкон берадиган китоб, буклет ва фотоальбомларни ўзида мужассам этган.

Мажмуадан Ўзбекистон Республикаси Президенти Ислам Каримовнинг араб тилида нашр этил-

ЎЗБЕКЛАР ТУҲҒАСИ

ган “Ўзбекистон иқтисодий ислоҳотларни чуқурлаштириш йўлида” ва “Ўзбекистон ХХI аср бўсағасида: хавфсизликка таҳдид, барқарорлик шартлари ва тараққиёт кафолатлари” китоблари ўрин олган.

Осиё тадқиқотлари маркази директори профессор Муҳаммад Ас-Саид Салем мамлакатимизнинг Миср Араб Республикасидаги Фавқуллода ва Мухтор Элчиси Солиҳ Иноғомовдан китобларни қабул қилар экан, уларни: “студент ва ўқитувчиларга Ўзбекистон тарихи ва ҳозирги кунни билан яқиндан танишишга ёрдам берадиган қимматли туҳфадир”, деб таърифлади.

Қоҳира университетининг китоб фондларидаги янги “ўзбек” бўлимидан Миср оммавий ахборот воситалари ўз ўқувчиларини боҳабар этди. Ўзбекистондан келтирилган китобларни тантанали топшириш маросими тўғрисидаги хабарларни “Egyptian Gazette”, “Аль-Аҳрам”, “Аль-Ахбор” ва бошқа нашрлари чоп этди.

“Жаҳон” АА

ҲАФТАНИНГ МУҲИМ ВОҚЕАЛАРИ

Вазирлар Маҳкамасида 1999 йилги маҳсулот етказиб бериш ва моддий-техника ресурслари билан таъминлаш учун шартномалар тузилишининг боришига бағишланган мажлис бўлди. Унда вазирлик, кўмига, корпорация, концерн, компания, уюшма ва идоралар раҳбарлари, вилоят ҳокимларининг биринчи ўринбосарлари қатнашди. Мажлисни Бош вазир Ў.Султонов бошқарди.

Тошкент Давлат университетида “Кадрлар тайёрлаш бўйича миллий дастур ва университет таллимнинг истиқболлари” мавзuida илмий-амалий анжуман бўлди.

Тошкентда спорт журналистикасининг долзарб муаммоларига бағишланган кенгаш бўлди. Унда газета ва журналларнинг бош муҳаррирлари, Ўзтелеферадиокомпанияси раҳбарлари, спорт журналистлари иштирок этди.

Ўзбекистон Республикаси Марказий банки 1999 йил 12 январдан бошлаб ҳисоб ва божхона тўловлари учун хорижий валюталарнинг сўмга нисбатан қийматини белгилади. Унга кўра 1 АҚШ доллари 110 сўм 74 тийин деб баҳоланди.

ВАТАН ҲИМОЯЧИЛАРИ ОМОН БЎЛСИН!



Сарҳисоб ва режалар

КҮНГИЛГА ЙЎЛ

Фарғона вилояти нафақат республикамизда балки хорижий давлатларда ҳам ўз обрўсига эга бўлган кўна дилдорлардан бири ҳисобланади. Айниқса, мустақиллик шарофати туфайли вилоятимиз ўзгача тус олди, барча жабҳаларда қатор ютуқларни қўлга киритди. Шубҳасиз, бу борада вилоят ёшларининг ҳам ўз ўрни ва улуши бўлмоқда.

Одатда ҳар бир инсон ўзининг маълум бир муддатда босиб ўтган йўлини таҳлил қилади, камчилик ва муаммолари ҳақида фикрлайди, ундан тўғри сабоқ чиқаришга уринади ҳамда келажакда қилажак ишларини режалайди. Жумладан, корхона, ташкилот ва муассасаларда ҳам ана шундай сарҳисоб даври бўлиб туради.

"Камолот" жамғармасининг Фарғона вилояти бўлими ҳам ўтган 1998 йилда бир қатор ишларни амалга оширди. Хусусан, республика "Камолот" жамғармаси бошқаруви ташаббуси билан вилоятда кичик ва ўрта бизнесни ривожлантириш мақсадида "Иновация-98" халқаро илмий-амалий конференцияси, "Ҳамшира-98" кўрик-танловининг республика босқичи, шунингдек, "Сиз қонунни биласизми?", "Шунқорлар", "Энг яхши оила", "Ёшлар, оила ва гиёҳвандлик" каби тadbирларни йилнинг энг яхши тadbирларидан бири деб атасак бўлади.

Жамғарманинг вилоят бўлими ташаббуси билан олий ва ўрта махсус ўқув юртлиги

талабалари, мактабларнинг юқори синф ўқувчилари ўртасида жами 80 та жойда, 30 мингдан зиёд ёшлар орасида ўтказилган ва оилашунос олимлар, нарколог мутахассислар, ҳуқуқ-тартибот, назорат органлари вакиллари иштирокида бўлган бундай тadbирлар ёшларнинг жамиятдаги ўз ўрни ҳамда ҳақ-ҳуқуқларини чуқур ўрганишда, шунингдек, уларнинг қалбида Ватан туйғусини шакллантиришда ўзига хос сабоқ бўлди.

Фарғоналик "Камолот" чилар жорий йилда ҳам ўзлари ишлаб чиққан дастур асосида бир қатор эзгу ишларни амалга ошириш ниятидадир. Биз 1999 йил мобайнида анъанавий кўрик-танлов ва мусобақалардан ташқари "Водий юлдузлари" фестивалини ўтказиш, қишлоқларда "Камолот"-спорт" мажмуаларини қуриш, "Центурмон" ҳарбий ўқув-масқ маркази фаолиятини бошлаш каби йирик тadbирлар ўтказишни ҳам режалаштирганмиз. "Аёллар йили" ҳаракат дастурига киритилган тadbирлар ёшларнинг баркамол шахс сифатида шаклланишини таъминлашга қаратилган. Бу борада ilk бора нашр этилаётган вилоят "Камолот" ёшлар газетаси ўзига хос ҳаракатлантирувчи куч вазифини бажаришига ишонамиз.

Хуллас, фарғоналик "Камолот" чилар юртимиз ёшларини маънавий баркамол ва фидокор инсон бўлиб етиштириш учун астойдил иш олиб боради.

Аҳад ИСОҚОВ,
"Камолот" жамғармаси
Фарғона вилояти бўлими раиси

Спорт юлдузлари

МУҲАММАДҚОДИР
ЖАҲОННИНГ БОКСЧИСИ

Хитойнинг Чангдинг шаҳрида ўтказилган бокс бўйича Жаҳон кубоги беллашуварларида ўзбекистонлик 5 нафар "чарм қўлқоп" устаслари, 2 та олтин, битта кумуш ва 3 та бронза медали билан қайтишганди.

Бу мусобақада Андижон Давлат университети толиби, "Динамо" жамияти вилоят ташкилоти аъзоси, бокс мураббийси Муҳаммадқодир Абдуллаев эса финалда 63,5 кг. вазнли жаҳоннинг энг кучли "чарм қўлқоп" устаси, жаҳон чемпиони Лоренце Арагон билан беллашди. Бу жанг турнирнинг энг чиройли мусобақаси деб тан олинди. Дастлабки раундларда ютқазаётган Муҳаммадқодир бутун имкониятларини ишга солгач, голиблик шохсупасига кўтарилди. Унга олтин медали ва "Жаҳон кубоги", шунингдек, "Энг моҳир боксчи" биллур соврини топширилди.

Олтинқўл тумани Жалабек қишлоғида туғилган Муҳаммадқодир ёшлигидан боксга жуда-жуда қизиқди. У ўз мақсадига эришиш учун спортда мураккаб йўлни босиб ўтди. Болалик давридаёқ республика бокс тарихида биринчи бўлиб собиқ иттифоқ ўсмирлари ўртасидаги чемпионатда икки бор голиб чиқди. У Марказий Осиё, Осиё, Жаҳон чемпионатлари, Жаҳон Олимпиадасида иштирок этди. Муҳаммадқодирга Шухрат Абдуллаев, Турдали Узғумов, Лочинбек Қўчқоровлар ҳам мураббийлик қилдилар.

Эндиликда М.Абдуллаев кучли учлик -- Марс Қўчқоров, Александр Размахов ва Валентин Золотарев раҳбарлигида машқларда иштирок этмоқда. Уйда эса доим бокснинг чинакам муҳлиси -- отаси Ёқубжон аканинг назоратида. Муҳаммадқодирнинг катта ютуқларида "Андижонирмаш" ҳиссадорлик жамияти ҳайдовчиси Ёқубжон аканинг муносиб ҳиссаси бор.

Кейинги пайтларда М.Абдуллаевнинг жаҳон миқёсидаги жанглари кузатиб, унинг ўз имкониятлари даражасида натижаларга эриша олмаёт-



ганлигидан кўнглимиз тўлмасди. Ниҳоят унинг астойдил ҳаракатлари, пешона тери катта натижа берди. Муҳаммадқодир эндиликда жаҳоннинг энг кучли боксчилари сафидан ўрин олди.

Андижонлик боксчиларнинг ютуқлари V аср аввал буюқ ҳамюртимиз Заҳириддин Муҳаммад Бобурнинг Фарғона водийси кишилари ҳақида: "Улар жуда усталлик билан муштлаша оладилар, умуман, бу водийда яшбўчилар бақувват ва тиниб юрмайдиган кишилар, улар ўзларининг курашга усталиклари билан машҳурдилар", -- деган сўзлари нақадар тўғрилигининг исботидир.

Тўлқин СИДДИК

ДИЛРАБОННИНГ
ОМАДИ

Денов шаҳридаги болалар кутубхонаси мудираси Дилрабо Шукурова ёш бўлса-да, ишбилармонлиги, изланувчанлиги туфайли ўзига хос ҳурматга эга. Айниқса, вилоят кутубхоначилари ўртасида ўтказилган беллашувада голибликни қўлга киритгач, обрўсига обрў қўшилди.

Дилрабо Маданият ишлари вазирлиги ҳамда "Камолот" жамғармаси ҳамкорлигида ўтказилган "Ёш кутубхоначи" республика кўриктанловида иштирок этиб, иккинчи ўринни эгаллади.

Ёш мутахассиснинг нияти-кутубхоналарга янада яхшироқ хизмат қилиш.

АМИНА АҚШГА
БОРАДИ

Сурхондарё вилояти Шарғун туманидаги 1-сонли лицей воҳада энг яхши билим масканларидан бири ҳисобланади. Мазкур билимгоҳда маърифат фидойилари - ака-ука Бобораҳим ҳамда Нажмиддин Мирзаевларнинг жонқуярлиги туфайли ўқув ишлари намунали ташкил этилган.

Ўтган йили Тўйчи Мели-

боев ва Қахрамон Ҳасановлар Америкадаги коллежлардан бирида таҳсил олиб қайтишга муяссар бўлган эди. Бу йил ҳам лицейнинг аълочи ўқувчиси Амина Мустаева АҚШга борадиган бўлди. У Самарқанд шаҳрида Америка ҳамкорлик ташкилоти (АКСЕЛС) томонидан "Тинчликни қўллаб-қувватлаш" шиори остида ўтказилган тест ва ижодий баённи инглиз тилида аъло баҳоларга топширгач, ана шу бахтни қучишга эришди.

"ДАШНОБОД
АНОРИ"НИ
ФРАНЦУЗЛАР
ҲАМ БИЛАДИ

Сурхондарёлик ёш адиб, "Туркистон" газетасининг собиқ бўлим мудир Тўлқин Ҳайитнинг қаламига мансуб "Ёмғирли оқшом" асари асосида Сарносиё туманидаги "Дашнобод анори" фирмаси анорзоларида қисқа метражли фильм суратга олинаётган. Режиссёр Абдунаби Раззоқовнинг ушбу кино асари Францияда ўтказилган фестивалда намойиш қилиниши кўзда тутилмоқда. Демак, Дашнобод анорини французлар ҳам билишади.

Сурхон томонларда

ЖАРҚҮРҒОНДА
ЙОД
КОРХОНАСИ

Жарқўрғон туманидаги Ховдак даштида йод кони топилганлиги бутун мамлакат аҳлини хурсанд қилди. Биринчидан, бу маҳсулотни шу ерда ишлаб чиқариш имконияти туғилди. Иккинчидан, юзлаб ёшлар иш жойлари билан таъминланадиган бўлди.

Шу кунларда Марказий Осиёда ягона бўлган йод ишлаб чиқариладиган корхона қурилиши тезкорлик билан давом этаётган. Айни пайтгача ишлаб чиқариш цехларида ускуналарни монтаж қилиш ишлари ниҳоясига етди.

Бу ерда Чори Бобоқуллов бошлиқ Жарқўрғон туман қурилиш конструкциялари корхонаси ёшлари ғайрат кўрсатишаётган. Уларнинг жонқуярлиги натижасида бир миллион бир юз тўқсон олтинг сўмлик қурилиш ишлари амалга оширилди.

Корхона ишга тушгач, йилига уч тонна йод ишлаб чиқариш қувватига эга бўлади.

Бойсундаги меҳрибонлик уйи тарбияланувчилари Музработ туманидаги "Меҳнат-роҳат" хусусий корхонаси раҳбари, Олий Мажлис депутаты Қурбон Амиркуловни яхши танишади. Чунки Қурбон ака ўзи тарбияланган ушбу

бир қаторда тарбияланувчилар учун 112 минг сўмлик кийим-кечаклар ҳам инъом қилди.

Меҳрибонлик уйи тарбияланувчилари билан гурунглашганимизда улар орасида келажакда Қурбон бобом сингари зўр бўламан, дегувчилар кўп бўлади,

МУРҲУВВАТИ

интернатга тез-тез бориб туради. У болажонларнинг меҳрини овлашга, иложи борича уларга ёрдам беришга шошилади. Яқинда ана шу тарбия маскани ташкил топган кунга 70 йил тўлиши муносабати билан тантанали кеча бўлди. Қ.Амиркулов тadbирнинг файзли ўтиши учун алоҳида хайрихоҳлик кўрсатди. У дастурхонга турли-туман ноз-неъматлар тортиқ этиш билан

чунки у ўзининг ҳалол меҳнати туфайли элнинг эътиборига тушмоқда, - дейишди.

Ҳа, савоб ишни ҳар ким ва ҳар куни қилиши керак. Шу маънода вилоятдаги бошқа илғор корхона раҳбарлари Қурбон ака мурувватидан ибрат олса арзийди.

Ж. ХУШБОҚОВ,
"Туркистон"
муҳбири

ЎН САККИЗГА ЕТМАГАНЛАР

Ёшлар ҳуқуқи

Н.БОБОЕВ. Мен шу йил 4 январда 16 ёшга тўлдим. Кечки мактабда ўқиётганим учун кундузги ишга кирмоқчи эдим. Аммо мен борган корхонада ишга олишмаяпти.

Жавоб: Ўзбекистон Республикаси Меҳнат Кодексининг 77-моддасига кўра ишга қабул қилишга ўн олти ёшдан йўл қўйилади. Ўн бешга тўлган шахслар ота-онасидан бирининг ёки улар ўрнини босувчи шахснинг ёзма равишдаги розилиги билан ишга қабул қилиниши мумкин.

Ёшларни меҳнатга тайёрлаш мақсадида умумтаълим мактаблари, хунар-техника билим юртлари ва ўрта махсус ўқув юртларининг ўқувчиларини ўн тўрт ёшга тўлганларидан кейин ота-онасидан бирининг ёки улар ўрнини босувчи шахснинг розилиги билан болаларнинг соғлиғига ва камол топишига зиён етказмайдиган ҳамда таълим олиш жараёнини бузмайдиган энгил ишларни ўқишдан бўш вақтларида бажаришлари учун ишга қабул қилишга йўл қўйилади.

Р.ҲАСАНОВ. Қандай

сабабларга кўра ишга қабул қилишда синов муддати белгиланади?

Жавоб: Ходимнинг топширилаётган ишга лаёқатини текшириб кўриш, унинг меҳнат шартномасида шартлашилган ишни давом эттиришининг мақсадга мувофиқлиги ҳақида бир қарорга келиш мақсадида дастлабки синов муддати белгиланади.

Синовни ўташ ҳақида меҳнат шартномасида шартлашилган бўлиши лозим. Бундай шартлашув бўлмаган тақдирда ходим дастлабки синовсиз ишга қабул қилинган деб ҳисоб-

ланади.

Ҳомиладор, уч ёшга тўлмаган боласи бор аёллар, корхона учун белгиланган квота ҳисобидан ишга юборилган шахслар ишга қабул қилинганда, шунингдек, олти ойгача муддатга ишга қабул қилиш ҳақида ходимлар билан меҳнат шартномаси тузилганда дастлабки синов белгиланмайди.

Синов муддати уч ойдан ошиб кетмаслиги керак.

Н.СОБИРОВА. Ўн саккиз ёшга етмаган кишилар учун иш вақти неча соат деб белгиланади?

Жавоб: Иш вақтининг

муддати ўн олтидан ўн саккиз ёшгача бўлган ходимларга ҳафтасига ўттиз олти соатдан, ўн бешдан ўн олти ёшгача бўлган шахслар (таътил даврида ишлаётган ўн тўртдан ўн олти ёшгача бўлган ўқувчилар) учун эса ҳафтасига йигирма тўрт соатдан ошмайди-ган қилиб белгиланади.

Меҳнат Кодексининг 243-моддасига мувофиқ ўн саккиз ёшга тўлмаган ходимларнинг кундалик иш вақти қисқартирилган ҳоллардаги меҳнатига ҳақ кундалик иш вақти тўлиқ бўлган чоғда тегишли тоифадаги ходимларга бериладиган миқдорда тўланади.

Наримон Латиповнинг фожиали ўлими (1965 йил, 25 сентябрь) ҳақида кўп қатори эшитган, ролларини кўриб қувонган эдим-у, кундалик ҳаёти, изланиши билан таниш эмасдим. Айниқса, “Сен етим эмассан” фильмида Н. Латиповнинг қахрамони фронтдан уйига қайтаётган, уруш етимлари - Густав исмли немис боласининг бошини сўлаши, уни етаклаб, ўз ҳолатига олиб келиши эпизодини кўрганимда болажон халқимизга нисбатан меҳрим ошар, кўзимда, беихтиёр ёш айланар, фик-

уларни сақлаб келаётган Зулкамол аяга (Наримоннинг волидаи меҳрибонлари), актёрни тарбиялаган оилага раҳматлар айтгим келди. Сўнгра Н.Латипов иштирокидаги фильмларни кўриб қўлимга қалам олдим.

Бўлажак актёр дастлаб хунар мактабида ўқиди, босмаҳонада ишлади. Ҳарбий Денгиз Флотида хизмат қилиб қайтди. Актёрлик дипломини олгач, Муқимий номидаги Ўзбек давлат мусиқали драма ва комедия театрига ишга кирди. Театрда ўзининг санъатга бўлган муҳаббатини намоён этди.

йўл”, “Қалбингизда қуёш”, “Самолётлар қўнолмади” фильмларидаги образлар ўз муҳлисини топди. “Виждон амри” фильми актёрнинг сўнгги роли эди. Шу фильмни суратга олиш жараёнида актёр ҳалок бўлди...

Н.Латиповнинг шахсий ҳаёти, ижоди, орзунимдлари, айтилма-

Армон

ўтказишмоқда. Синовдан ўтиш-ўтмаслигим аниқ эмас.”

Актёрни “Улуғбек” фильмига таклиф этишади. Тож-тахт деб фарзандлик

шунинг етганда пайдо бўлар. 15.08.63 йил.”

Эсдалик, кундаликда Белла ҳақидаги ўйлар мана шундай баён этилган.

Қизлари орасида ёлғиз ўғил -- Наримон доғида қолган она кундаликнинг ёзилмаган варақларини юрак изтироблари, соғинчлари билан тўлдирганлар.

“Наримоним, жуда меҳрибон эди. Ҳар куни уйга қайтгач, мени кучиб-кучиб бағрига босарди. Сизни оқ рўмоллар ўраб, савлат тўкиб, нуроний онахон бўлиб ўтирганингизни кўргим келади, дерди болам. Мана, оқ рўмоллар ҳам ўрадим, кексайиб қолдим. Аммо Наримонжоним бу кунларимни кўрмади. Наилож, худо шунинг ёзган экан,” деб сўлгин юзларини ёш билан юваётган онаизорнинг армонли сўзларини эшитганда ҳар қандай юрак ҳам дош беролмайди.

Дарҳақиқат, бу айрилик кўпчилики -- онани, оила аъзоларини, жажжигина икки ёшли қизалоқни, дўстларни, ҳамкасбларни, қолаверса, томошабинларни даҳшатга солди. Наримон билан сўнгги дақиқаларда бирга бўлган оператор Ҳотам Файзиев айтганидек, Сирдарёнинг сирини бор экан. Усти сокин бўлгани билан туби сирли кўринади.

32 баҳорни қаршилаган Наримонни ҳам ўз сирли домига тортиб кетди.

Дилбархон КАРИМОВА,
ТошДУ талабаси

НАРИМОН

(Актёр Н. Латиповнинг ҳаёти, роллари, армони)

ри-зикримни Наримон Латиповнинг ногирон қахрамони эгалларди.

Шу боис ижодкорнинг ҳаётини ўрганишга жазм қилдим. Аввал газеталар қатламларини варақладим. 60-йилларнинг ўрталарига қадар Н.Латипов бир қатор ролларни ўйнашга улгурган, матбуот саҳифаларида унинг ижодига озми-кўпми баҳо берилганини кўрдим. Сўнгра актёрнинг шахсий архивлари билан танишдим. Кундалик, хатлар, фотосуратлар, бошқа ҳужжатларни ўргандим ва

Кейинчалик Ҳамза номидаги Ўзбекистон Давлат академик драма театрида режиссёр ёрдамчиси бўлиб ишлади. Ўзининг илк ролларини шу театр саҳнасида ўйнади. Ўша кезлари у ўз имкониятларини кинода ҳам синаб кўриш иштиёқида эди. Орзуси 1962 йили Ш.Аббосов “Сен етим эмассан” фильмига таклиф этган дамда рўёбга чиқди.


Шундан сўнг кинода ўнлаб образларни яратди. “Ер фарзанди”, “Машақ-қатли

ган гаплари кундалигида қолди. Унинг Белла исмли қизга ёзган мактуби мени ўзига тортиди. Ушбу мактубда шундай сатрлар бор:

...“Сен етим эмассан” фильмида роль ижро этдим. Бу фильм менга жуда ёрдам берди. Эски дўстларимни қайта ёдга олдим. Бу мени ҳам қувонтиради, ҳам...”

... “Самолётлар қўнолмади” номли янги фильмда суратга тушяпман. Худди ўзимга ўхшаш ёш йигит родини ўйнаяпман.”

... “Ҳозир “Улуғбек” фильмига синовдан



Аскар саҳифаси

Ўзбекистон Республикаси Президенти Олий Мажлиснинг яқинда бўлиб ўтган сессиясида сўзлаган нутқида Куролли Кучларимизни ислоҳ этиш бўйича кенг кўламли тадбирлар амалга оширилаётганлиги, чунончи, Ўзбекистон катта армияга эга бўлишининг ҳожати йўқлиги ҳақида гапирилган эди. Зотан, тинчлик ва осойишталикка мойиллик халқимизнинг табиатига ҳос ҳислатдир. Тинчликпарварлик сиёсати мамлакатимизнинг Конституциясида ҳам битилган. Йўлбошчимиз биз фақат тинчлик ва барқарорлик тарафдори эканлигимизни таъкидлаб, республикамизда ихчам, аммо ўз вазифасини самарали уддалай оладиган, яъни халқимиз, Ватанимиз мудофаасига қурби ва кучи етadиган, замон талабларига тўла жавоб берадиган, юксак савияли жанговар армияни ташкил этиш мақсадида қатъий иш олиб борилаётганлигини эътироф этди.

Демак, вақти-соати келиб армиямиз сафларида хизмат қилиш ихтиёрий бўлиб, одамларимизнинг ўзида армияга интилиш вужудга келади. Ҳар бир ўзбек, ўзбекистонлик хонадонда Куролли Кучларимиз сафида хизмат қилишга иштиёқ, армиямизга янада катта ҳавас билан қараш, ундан чексиз фахрланиш ҳисси кучаяди. Куйидаги аскарларимиз ҳаёти ҳақидаги мақолаларимизни сизларга илиндик.

Танкчилар ротасида бизни бўлинма командири, лейтенант Зайнобиддин Иминов қарши олди. Казармани бир сидра кўздан кечириб, посбонлар билан озгина ҳангома-лашдик ҳамки командир кўринмади. Қисм раҳбарияти менга энг яхши, умидли ёш офицерларимиздан бири дея мазкур рота командирини тавсия этишганди. У ҳақида мақола ёзишга келсам-у...

Сабрим чидамай, лейтенант З.Иминовга юзландим:

— Командирингиз казармага келадими ўзи?

— Узр, ротамиз сардори ҳозир паркдаги ички хизматни текшириб юрганди. Жанговар техника янги мавсумда паңд бериб қолмаслиги учун

у ерда бир гуруҳ посбонлар билан машғулот ҳам ўтаман деганди, шунга... Чақиртирайми?

Пичинг қилганим учун уялдим.

— Майли, қўяверинг. Келгунича посбонлар билан суҳбатлашиб турамиз, — дедим ҳижолатдан чиқиб учун.

— Ҳуш, суҳбатимиз қаерда тўхтаб қолганди, ҳа, танкни мавсумга тайёрлаш жараёнини айтиб бераётгандингиз, — дедим механик-ҳайдовчи, оддий аскар Аҳрор Бегалиевга.

— Жанговар машинанинг юриш, ўт очиш қисмларини яхшилаб мойладик. Фильтрларни тозалаб, антифриз кўйдик. Танкнинг ичидаги алоқа ускуналарини белгиланган частотага тўғриладик. Жанговар техниканинг сир-асрорларини пухта эгаллашимда ротамиз командири, катта лейтенант Давлат Какаевнинг хизматлари катта бўлмоқда. Командиримиз бу соҳанинг ипидан игнасигача билади. Доим қизиқиб бирон нарса сўрасам, атрофлича тушунтиради. Техника бўйича билмаган нарсаси йўқ.

— Командирингизни роса ошириб-тошириб мақтаяпсиз, сизга кўпроқ эътибор берадими дейман?

— Қизиқ экансиз, ўртоқ катта лейтенант. Мана сафдошларимнинг қайси биридан сўрасангиз сўранг.

Яқинда ўқув машғулотларидан бу ерга келган мўлжалга олувчи оддий аскар Дониёр Жумабоевни суҳбатга тортаман.

— Ноябрь ойининг бошида мазкур ротага келдим. Командир зўр киши экан. Ҳар бир айтган ўғитини амал-

— Ёш аскарлар билан ишлаш мароқли. Биласизми, уларда қизиқиш, интилиш кучли. Мен уларга ўргатиш жараёнида ўқиганларим, орттирган тажрибаларим эсимга тушади. Айниқса, жанговар техника бўйича уларга машғулотлар

ТАНКЧИЛАР САРДОРИ

да бизга кўрсатади. Масалан, танкка хизмат кўрсатиш қоидалари, эксплуатацияси, таъмири ва хавфсизлик талаблари бажарилишини ётиги билан тушунтиради. Қишки ўқув мавсуми...

— Мана, ўзлари ҳам келдилар, — дея суҳбатни бўлди лейтенант З.Иминов.

Қарашлари жиддий, ягриндор, жуссади йигит экан, деб кўйдим ичимда у билан кўришар эканман.

— Мен ҳақимда ёзмқчи экансиз, кўйинг ҳали улгурамиз. Яхшиси аълочи посбонларимизни ёзинг, — деди катта лейтенант Давлат Какаев суҳбатимиз бошида.

— Ким айтди, сиз ҳақингизда мақола ёзишимни? Разведкангиз ёмон ишларкан, аллақачон ёзиб бўлдим, — дедим ҳозиржавоблик билан.

Шу тариқа суҳбатимиз жонланиб кетди. Маълум бўлишича, Давлатбек 1996 йилда Чирчиқ танкчи командир-муҳандислар олий билим юртини тугатган экан. Ва шу йилнинг ўзида танкчилар ротасида взвод командири лавозимида хизматини бошлаган. 1997 йил февралдан эътиборан у рота командири.

ўтказишни ёқтираман. Ижтимоий-сиёсий машғулотларнинг ҳам ўзига хос ўрни бор. Негаки, бу мавсумдаги ижтимоий-сиёсий машғулотларнинг янги режалари посбонларимизда қизиқиш уйғотмоқда. Чунки унда тарихимизга оид мавзуларга кенг урин ажратилган. Тарихини, мард, жасур аждодларини билган посбон улардан ўрнак олишга, Ватанини улардек севишга ҳаракат қилади-да. Бўлинма командирларимдан лейтенант Зайнобиддин Иминовнинг ишлари мақтовга арзигулик, — деди жумладан у.

Танкчилар ротаси командири посбонлар тайёргарлигини Куролли Кучларимизнинг 7 йиллиги олдидан устувор даражаларига олиб чиқиш учун интилмоқда. Қишки мавсумнинг биринчи ойида эришилган ютуқлар, айни пайтда уларга янги куч, ғайрат бахш этаётир.

Қаҳрамонимиз билан суҳбатлашиб жараёнида унинг мавзуни кўпроқ касби хусусиятларига буришга интилаётганини англадим. Ва ўзимча ҳулоса қилдим: ўзининг касбини, офицерлигини севган, ҳурмат қилган одамда халқига, юртига муҳаббат йўқ деб бўлмайд.



Сурхондарёлик оддий аскар Эркин Рўзикулов бўлинма фаҳри.

САДОҚАТ

Куролли Кучларимиз сафларини мард, жасур, юраги Ватан туйғуси билан уриб турган посбонлар тўлдирмоқда. Бунинг сабаби давлат ва жамоат ташкилотлари йигитларимизни қақирқача тайёрлаш ишига масъулият билан ёндашаётганидир. Бу фикримни илғор рота командири Ҳакимжон Тожиёв тўлдирди:


Ротадаги посбонларнинг деярли барчалари янги аскарлар бўлишига қарамай, қишки мавсумнинг бошиданок умумжамоа ҳисобида юқори кўрсаткичларга эришяпмиз. Бу ютуқларнинг бари меҳнатларимиз самараси десам янглишмаган бўламан. Ўзингиз бир уйланг, бир-икки ой ичида ёш посбонларга ҳарб илмини тўлақонли ўргатиб бўлармиди?

Истаймизми, йўқми мактаб, маҳалла, мудофаага кўмаклашувчи “Ватанпарвар” ташкилоти ва “Камолот” жамғармасининг йигитларни армияга тайёрлашда қўшаётган улушларини катта эканлигини тан олаимиз.

Мазкур ротанинг аълочи посбони, оддий аскар Суннат Матаев яқиндагина Тошкент вилоятининг Оҳангарон туманидан ҳарбий хизматга қақирилган. Янги ўқув мавсуми бу посбон учун катта имконият эшигини очди. Оддий аскар С.Матаев ижтимоий-сиёсий, жанговар, жисмоний тайёргарликларда муваффақиятга эришгани учун командирининг олқишига сазовор бўлди.

— Ҳарбий хизматга келгунимча мактабда Куролли Кучларимиз тизими, ҳарбий ҳаёт борасида озми-кўпми маълумотга эга эдим. Армиядаги машғулотларда бизда илк тушунча борлиги асқотмоқда. Саф кўшиқларини ижро этаётиб, Ўзбекистон номини баралла айтганимизда юрак орзиқиб кетади. Шунда ўз Ватанимизнинг ҳимоячиси эканлигимдан гурурланиб кетаман, — дейди оддий аскар С.Матаев. Қиш ҳавоси ўзига яраша беқарор. Куннинг биринчи ярмида... Биз мазкур ротага борганимизда шаррос ёмғир қўйиб берди. Аммо табиат инжиқлиги рота посбонларининг кайфиятига, жанговар хизмат суръатига даҳл қилолгани йўқ. Улар қишки ўқув мавсумининг навбатдаги вазифаларини ҳал этиш, бундан-да катта ютуқларга эришиш учун жадал интилишарди.

Саҳифани катта лейтенант Алижон САФАРОВ тайёрлади



Сержантлар
Н. Обидов
наманганлик,
М. Салоев хоразмлик
бўлиб, улар дўстлиги
йигитликнинг
унутилмас онларини
бир умр ёдга солиб
турса ажаб эмас.
Оддий аскар
С. Абдукаримов уларга
ҳавас қилади.

Сураткаш Г. ТИТАРЕНКО


КРОССВОРД

Crossword puzzle grid with numbers and some filled-in letters in Cyrillic script.

ЭНИГА: 1. Улугбек барпо этган минора. 5. Россиядаги улка, шаҳар. 10. Туман номи. 13. Қовуш-шоҳилар оиласига мансуб хайвон. 14. "Бегубор" ранг тури. 15. Ҳаётбахш модда. 16. Табиат ҳодисаси. 17. Бетнинг синоними. 18. Табиат аке этган сурат. 21.Энг йирик дарё. 22. Украинадаги шаҳар. 24. Бир нарсага амал қилиш. 25. Уни беш кунлик дея ҳисоблашади. 28. Эрондаги қадимги тил. 30. Чойи билан машҳур халқ. 31. Фарз қилинмаган намоз. 32. Ёзувчи, давлат арбоби. 33. Кишилар тақдирини олдидан айтиш. 35. Хитойда мавжуд тил. 36. Паррандаларни тузоққа тушириш усули. 37. Пуфлаб чалинадиган мусиқа асбоби. 38. Мусиқий нота. 40. Кечирим, авф. 42. Ўзбек тилидаги бириктирувчи боғловчи. 44. Муқаддас кўшиқ. 46. Намоз тури. 48. Ҳадя, тортиқ. 49. Ҳажвий тележурнал. 51. Ўзбек тилидаги мустақил сўз туркуми. 52. Газета номи. 56. "Бу майдон ичра турмок эмас ...". 58. Мерганнинг бошқа тилдаги номи. 59. Машҳур қирғиз ёзувчиси. 64. Қоматли йигитларга нисбатан бадий ўхшатиш. 66. Жаннат қуши. 68. Қадимги давлат. 69. Диний атама. 70. Хушбуй пардоз-андоз суяқлиги. 71. Дуст, биродар. 73. Пайгамбарлардан бирининг исми. 74. Мусиқий нота. 77. У сўз бўлса иш унумли бўлади. 79. "Ўзга юрта ... бўлгунча, ўз юртингда гадо бўл". 81. Тасдиқ маъноси. 83. Савоб иш, мурувват. 86. Илк пайгамбар. 88. Қуруқ мева. 89. Япониядаги йирик шаҳар. 90. Фузалолар маскани бўлган тарихий шаҳар.

БҮЙИГА: 1. Христианлар байрами. 2. Жанубий Қозоғистон вилоятидаги туман. 3. "Хумюниома" муаллифи. 4. Тилшуносликка оид сўз, морфема. 6. Россияда тарқалган миллий мусиқа асбоби. 7. Муҳаммад пайгамбар(с.а.в.)нинг кризи. 8. У кетса бахт кетади. 9. Тожикистондаги шаҳар. 10. Ахборот кўрсатуви. 11.Ўсимликларга хос атама. 12. Худудий бўлима. 19. Қуролли кучлар мажмуи. 20. Ушлмаган орзу. 23. Фаластинга чегаралош давлат. 26. Ўзбек тилидаги инкор боғловчиси. 27. Эркин Воҳидов асари. 29. "Ҳазрати инсон" асари муаллифи. 33. Пул бирлиги. 34. Анқов, бўшанг. 37.Жўналиш келишиги кўшимчиси. 38. Телесериал номи. 39. Чигатой улусларидан бири. 41. Субҳидам, азон. 43. Намоз вақти. 45. Ҳарбий бўлима. 47. Аскар унвони. 50. Эски ўзбек алифбосидаги ҳарф. 53. Озуқа дарахти. 54. ... илдиздан қувват олади. 55. Хайвонлар озуқаси. 57. Кипрдаги шаҳар. 58. Югославиядаги порт, шаҳар. 60. Ибодат. 61. Россиядаги йирик дарё. 62. Давлат пойтахти. 63. Покистондаги шаҳар. 65. Фақат унга сажда қилинади. 67. Уй хайвони. 69. Навоийнинг "Хамса" асаридаги қаҳрамонлардан бири. 72. Болқон ярим оролидаги йирик кўл. 75. Мотоцикл русуми. 76. Миллий таом. 78. Уйғунинг шеъри. 80. Лаҳза, дақиқа. 82. Кичик ҳаж. 84. Машҳур немис физиги. 85. Ислон динига мансуб мазҳаб. 87. Қўн гап эшакка ...

Тузувчи Рўзибой АЗИМ, дизайнер Бахтиёр ШОҲИСМОИЛ



УЧҚУР ... ВА БЕНЗИНСИЗ

Жанубий Кореяда ишлаб чиқариш йўлга қўйилаётган икки ўринли спорткор ва электромобиллар ҳозирдаёқ автоҳаваскорлар ҳавасини келтирмоқда. SSC-1 деб номланган спорткор двигателя ҳажми 1,5 метр бўлиб, у бензинда ишлайди. Мотори 190 от кучига эга бўлган бу машинада соатига 230 километргача тезликда йўл бўлган бу машинада Кореяликлар 2002 йилга бориб йилига 400-500 мингтага яқин шундай автоулов тайёрлашни кўзлаб туришибди.

SEV-IV электромобили уч эшиклидир. Бир марта заряд олган машина 150 километргача соатига 120 километр тезликда йўл боса олади. Унинг батареясига 220 вольт кучланишли оддий электр розеткасида 6 соат давомида қувват берилади. Бугунга келиб 40 та ана шундай бензинсиз ишлайдиган автомобиль тайёрланди.

...СУЮЛТИРИЛГАН ГАЗДА

Ренне шаҳрида суюлтирилган газда ишлайдиган "Citroen Xsara 1.8i 16v LPG" русумли машина тайёрланмоқда. У 112 от кучига эга, 1,8 литрли двигателя бензин ўрнига суюлтирилган газда ҳам ишлайверади. Чунки унинг юкхонасига 54 метр ҳажмли цилиндр кўринишдаги газли баллон ҳам ўрнатилган. Бензин двигателя кўшимча ёқилғи аппарати ва электрон бошқарув блоки билан таъминланган. Ҳайдовчи асбоблар панелидаги газ захирасининг кўрсаткичидан фойдаланиб, двигатель ишини газдан бензинга ёки аксинча тумблери улаш билан бевосита газга алмаштириши мумкин. Қиш ойларида двигатель ишини энгилаштириш мақсадига моторни фақат бензин ёқилғиси орқали ишлатсангиз ҳам бўлади.

Янгича ишланган "Citroen"да газдан фойдаланиш бензин ёқилғисига нисбатан икки баробар арзондир.

ЭНГ, ЭНГ, ЭНГ...

- * Кўёш тизимидаги энг паст ҳарорат (235 даража совуқлиги) Нептун сайёрасининг йўлдоши Тритонда кузатишган.
* Ер юзидаги энг узун темир йўл тоннели «Сейкан» деб аталади. Унинг узунлиги 53 километр 850 метр бўлиб, Япониянинг Хонсю ва Хоккайдо ороллари бирлаштиради. Тоннел денгиз сатҳидан 240 метр пастликда қурилган.
* Энг оғир тагга шведларнинг мис пластинкасида тайёрланган бўлиб, 19 килограмм 710 грамм вазига эга. 1644 йилда жорий этилган тагнинг қиймати 10 далер.
* Энг оммавий мусиқий альбом Майкл Жексонга тегишли бўлиб, 1990 йил май ойида 40 миллион нусхада чоп этилган.
* Энг ёш Нобель мукофоти лауреати инглиз физиги Уильям Лоренс Брэггдир. У 1915 йилда 25 ёшида ушбу эътирофга сазовор бўлган.
* Энг узоқ давом этган қирғинбарот 100 йиллик уруш (115 йил) 1337 йилдан 1453 йилгача Англия ва Франция ўртасида бўлиб ўтган.

НЕГА ОДАМ ҚАРИЙДИ?

Исроиллик олимларнинг бир гуруҳи ер шаридан ташқарида инсон танаси нима сабабдан тезроқ қаришини аниқлаш мақсадида коинотда тажриба ўтказмоқчи. Унда америкалик миллионер, кекса астронавт 77 ёшли Жон Гленн янги коинот сафарига чиқиб, бу тажрибада қатнашади. "Хадасса-ар-Ақофим" тиббий маркази доктори Арон Шенкор бу тадқиқот-

ларга раҳбарлик қилади.

УН УЧ АСРАИК ... ТИЛАО ТАНГАЛААР

Бейт-Шеандаги қазилмалар вақтида еттинчи аср — Византия тугаши ва мусулмончиликнинг бошланиши даврига тааллуқли бир неча юз тилла тангдан иборат хазина топилди. Бу қадимий мерос Византиянинг Фокос II ва Констан-



тин IV ҳукмронлигидаги пулларга айнан ўхшашдир.

ИНТИЗОМСИЗ ОТАЛААР

Япониялик оталар болалари

учун ҳафтасига 3,3 соат, таиландликлар - 6 соат, америкаликлар - 4 соат, англияликлар - 4,75 соат вақт ажратишар экан. Олимларнинг фикрича, бола отасини қанча кам кўрсса, шунча онасига боғланиб қолақан. Ота тарбиясидан баҳраманд бўлмаган болаларда қатъиятлилик ва интизом етишмайди. Оқибатда япон талабаларининг 84,7 фоизи ота-оналари юзига оёқ қўйишни, 25,3 фоиз талаба қизлар эса фоҳишабошликни ахлоқсизлик деб ҳисоблашмас экан.

МИРИҚИБ ЭСНАНГ...

Япониядаги кўплаб фирма-ларда ишчи ва хизматчиларга ҳар куни уларнинг мириқиб эснаб олишлари учун бир неча мартадан танаффус эълон қилинаркан. Олимлар фикрича, эснаш инсон ақлий қобилиятини оширади. Шу боис, японияликлар бўш вақтларида бундай иш билан шуғуллансалар, ҳеч ким ҳайрон қолмайди.

Publication information including contact details for the editor Abdugodir Nizov and printer Kamopot Pharm.